

Sed in hoc deceptus est Leo, quod terminum Africæ non posuerit Mare rubrum, sed Nilum: quo factum est, ut Ægyptum & reliquam partem Orientale Asiæ adjudicârit: Nos igitur præter quatuor illas partes à Leone enumeratas ponimus in Africa *Ægyptum, Aethiopiam superiorem sive interiorem* in qua Abyssini: *Aethiopiam inferiorem sive exteriorem* in qua Manicongi, & *Insulas. Ægyptus* ab Austro in Boream longo tractu porrigitur. Termini sunt ab Occidente ultra Nilum deserta Barce, Libyæ & Numidiæ, cum regno Nubiæ. Ab Austro agro Bugiensi & Nilo concluditur, quo loco Nilus ab Occasu in Ortum nonnihil fertur. Ab Ortum sunt deserta Arabiæ, quæ inter Ægyptum & Mare Rubrum sita sunt. Ab Aquilone clauditur Mari Mediterraneo, Cætera de Ægypto in singulari ejus descriptione explicabimus. *Barbariam* hodie vocant totum Africæ tractum ab Ægypto ad Fretum Gaditanum, qui Mari Mediterraneo & Atlante monte concluditur, continetque Regna Marrocci, Fessæ, Teleusinum, Tunetanum, & Barcæ, de quibus fusiùs in Barbariæ descriptione. Nunc satis fuerit Lectori limites commonstrasse. Regnum itaque Marrocci dividitur in has provincias, *Heam, Susam, Guzulam, Marrocci terram, Ducalam, Hosiaram & Tedletem*: Terminatur Oceano Atlantico, Atlante ipso, & Regno Fessæ. *Regnum Fessanum* ob Occasu habet Mare Atlanticum, à Septemtrione Fretum Herculeum, ab Ortum Mulviam flumen, ab Austro Regnum Marrocci: ejus regiones sunt *Temesna, Territorium Fessæ, Agara, Elhabata, Errisa, Garetum, & Elchausum. Teleusinum Regnum* quod & *Tremisen* vocant, terminatur à Meridie deserto Numidiæ: ab Ortum fluvio Majore, à Septemtrione Mari Mediterraneo. *Regnum Tunetanum* complectitur totum Terræ tractum à fluvio Majori ad Mesratæ Regionis amnem. Ejus Regiones sunt quinque, *Bugia, Constantina, Tunetanum, territorium, Tripolis, & Exxaba. Barca* seu *Barcha* à finibus Mesratæ protenditur ad Ægypti confinia. *Numidia* hodie *Biledulgerid* dicitur. Ejus fines ab Occidente Mare Atlanticum, à Septemtrione Mons Atlas, ad Ortum Ægypti confinia, ab Austro deserta Libyæ. Regiones *Tesset, Segelmessa, Seb, Biledulgerid, Dara & Fezen. Libya* veteribus Sarra dicta, quod deserta sit. Initium ejus à Gaogæ Regno prope Nilum, exporrigiturque Occidentem versus, ad Regnum usque Gualatæ quod Atlantico Mari adjacet, à Septemtrione Numidiæ Regno contermina est, à Meridie Nigritarum. *Nigrita* dicuntur vel ab incolarum colore nigro, vel potius à flumine Nigro, quod hanc regionem lambit. Habent ab Ortum Nili confinia: ab Occasu Oceanum Occiduum: à Meridie partim Mare Æthiopicum, partim Regnum Manicongi: à Septemtrione verò Libyæ deserta. Regna eorum sunt quinque & viginti. *Galata, Guinea, Melli, Tombutum, Gago, Guber, Agadez, Cano, Casena, Zegzeg, Zanzara, Guangara, Bornum, Goaga, Nubia, Biro, Terniamo, Dauma, Medra, Goram, Territorium Anterotenje, Territorium Gialosa, Ora Guinea, Territorium Melegense, & Regnum Benin. Abyssini* incolunt Superiorem sive Interiorem Æthiopiam, quorum Princeps Prete Gianni dicitur. Ejus regio perampla, utrumque pene Tropicum contingit, extenditurque inter Oceanum Æthiopicum & Mare Rubrum. A Septemtrione habet Nubiæ & Bugiæ populos Ægypto confines. Ab Ortum Mare Rubrum, à Meridie Lunæ montes, ab Occasu Regnum Manicongi, Nigrum amnem, Nubiæ Regnum & fluvium Nilum. Regna ei subiecta hæc, *Barnagnes* sive *Barnagastum, Tigre-maum, Tigris* in qua urbs *Caxumo, Angote, Amara, Xoa, Goyami, Bagamedrum, Gueguere, Fariagar, Danur, Dancali,*